

مجموعه ابو الضرب

ماسوا شایه سندن دلی تطهیره چالش
بر تو حکمت و عرفان ایله تنویره آتش

هر ماه عربی ابتداسیله اون بشتنده نشر اولنور فنون مجموعه سیدر

جزو ۴۶ [فی ۱۵ جمادی الاولی سنه ۱۳۰۲] نسخده سی ۳ غروش

ظلمه نامغلوب اولنجه ایلیان سندکینه
اردوسیه عالمه بیگ درلو اسکندر نثار
[کمال]

شو آغاج چشم عبرته اورییور
یازدهده قیشدهده یشیل طورییور
ظن ایدرسن چمن قیام ایتمش
قدرت حقه احترام ایتمش
[کذا]

یارمک دوشمش ینه زلف سیاهی بویننه
اسکی شاعرلرجه کفر ایتمش گناهی بویننه
کیم گوردرسه گردن صافین خدا گوترمسون
طوپلانونب دوشمش صانیر نور الهی بویننه
[کذا]

اون طقوزنجی عصر

(سعدالله پاشا انکدر)

ایرشدی اوج کمالاته نور ادراکات
یتشدی رتبه امکانه قسم ممتعات
بساط اولدی مرکب، مرکب اولدی بسیط
بدهت اولدی تجاربله خلی مجهولات
محاز اولدی حقیقت، حقیقت اولدی محاز
یقلدی بلکه اساسندن اسکی معلومات

مباحث فلک و عرض و حکمت و کیمیا
دکل و ساوس اذهان و وهم و تمثیلات

مسائل نظریه تجارت اولدی سند
ایرشدی حدّ یقینه فصول ظنیات

عقول زاهره صاعد فضای اجرامه
قوای جاذبه قانونی پایه مرقات

نفوس فاکره نازل قعاره ارضه
دلیل مبحث تکوین دفاين طبقات

هوا و برق و ضیا و بخار و مقناطیس
ید تصرف انسانده عنصر حرکات

ضیا خیالاً ایکن شمعی بالفعل ساعی
ظلال زائل ایکن شمعی زبور مرآت

صدا حساب مسافاتده مخبر صادق
بخار ظلمتی تنویرده ابداع آیات

جهات اربعه به برق ناقل اخبار
بخار، بحر و بر اوستنده حضر تقلیات

تفاخر ایلسونمی بو عصر اعصاره
قصائندی بعد مکان وزمانی مخترعات

نه قالدی چشمة حیوان، نه داروی سهراب
نه قالدی نسخه افسون، نه حکم طلسمیات

نه قالدی سعد طوابع نه قالدی نخس قران
نه قالدی رمل و کلمات، نه قالدی جفریات

نه وار هماده سعادت، نه وار شثامت بوم
مقید اصل ارادانه جمله مجعولات

نه اطلس عالمی حامل، نه زهره فاعل کل
دگل عقول فلاطون اصول تکوینات

نه قالدی ظنّ تناسخ، نه قالدی نار محجوس
دگل عقوله اقایم قبله حاجات

اساس حکمت عصر اولدی وحدت باری
آعم ایلدی اصل الاصول معتقدات

بولور کیدر جهت وحدتن عموم ملل
وجود وحدتی مثبت اولنجی معقولات

حدود و حق و وظائف معین وثابت
نه قالدی جبر و تغلب، نه کیف .. فیات

حقوق شخص و تصرف مصون تعرّضدن
ویرلدی عالم عمرانه بشقه تنسیقات

نه عمرو، زیدک اسیری، نه زید عمروه ولی
مؤسس اس مساواته نصّ موضوعات

منور ایلدی اذهانی انتشار علوم

مکمل ایلدی نقصانی فیض مطبوعات

مغارب اولدی دریغا مطالع عرفان

نه قالدی شهرت روم و عرب، نه مصر و هرات

زمان زمان ترقی جهان جهان علوم

اولورمی جهل ایله قابل بقای جمعیات